

Dr M lahirkan semangat baru di Kelantan

KOTA BHARU, Rabu
— Lawatan Perdana Menteri, Datuk Seri Dr. Mahathir Mohamad dua hari ke Kelantan Isnin lalu

Oleh NORDIN MOHAMAD

melahirkan semangat baru di kalangan parti-parti komponen Barisan Nasional di negeri ini.

Setiasusaha Agung Berjasa, Encik Ismail Haji Ali berkata hari ini, kunjungan Datuk Seri Dr. Mahathir itu juga memberi satu peningkatan moral yang tinggi kepada para pemimpin BN Kelantan menjelang pilihanraya akan datang.

Encik Ismail menisfatkan, lawatan Perdana Menteri itu sebagai 'Sumber Itham' bagi semangat baru' bagi seluruh ahli parti komponen untuk bekerja lebih kuat lagi bagi memastikan BN terus kekal berkuasa di Kelantan dalam pilihanraya ini.

Beliau yakin segala pandangan dan nasihat Datuk Seri Dr. Mahathir dalam beberapa uca-

pannya boleh menimbulkan kesedaran mendalam terutama dari segi perpaduan dan kerjasama di kalangan anggota parti komponen.

Beliau juga penuh yakin lawatan dan pandangan Perdana Menteri itu berjaya mendorong semangat seluruh pemimpin dan ahli parti-parti komponen untuk bekerja lebih kuat dan mengeratkan lagi perpaduan mereka.

Panduan

"Lawatan Datuk Seri Dr. Mahathir itu kena pada masa dan ketikanya di saat-saat kita menghadapi tekanan parti lawan yang semakin hebat sekarang," ujarnya.

Encik Ismail menegaskan, nasihat dan

pandangan Perdana Menteri itu boleh dijadikan garis panduan bagi parti-parti komponen BN Kelantan dalam menghadapi parti lawan menjelang pilihanraya.

Mengenai pembangunan, Encik Ismail menyatakan, lawatan itu juga memberi faedah besar kepada negeri dan rakyat Kelantan seluruhnya.

Katanya, kesanggupan Perdana Menteri meluluskan peruntukan berjuta-juta ringgit bagi projek pembinaan pelabuhan kecil di Kemasin, Bachok satu bukti nyata tentang faedah-faedah yang akan dinikmati rakyat di negeri ini.

Encik Ismail berkata, rakyat Kelantan yang cinta dan menghargai pembangunan sangat-sangat menghargai dan menjunjung tinggi kelulusan projek itu.